

Celebrando 10 año como NV

SETAR hopi contento di ta partner cu Voz-I-Landia Escolar

ORANJESTAD - Sra. Shahaira Labad, hefe di Mercadeo di SETAR a expresa cu den cuadro di su celebracion di 10 año como NV, SETAR cu sumo placer ta anuncia di ta un di e partnernan di e festival di Voz-I-Landia Escolar 2013. "Di prome biaha cu nos compania nacional SETAR a tende di e proyecto di Voz-i-Landia nos tabata kier a duna nos aporte no solamente financiero pero tambe cu ideanan", segun Shahaira Labad. El a sigui splica cu e festival ta pas bon den e celebracion di 10 año como NV caminda como compania SETAR kier yuda cultiva nos herencia cultural. Ta for di chikito nos mester stimula e futuro generacion di Aruba pa por stima nos Papiamento y atraves di

musica ta un di e maneranan pa logra esaki.

Voz-I-Landia semper tabatin como meta pa tur cancion ta composicion y areglo nobo y tur ta na Papiamento y cu nan ta incorpora den e lesnan di musica y canto na e scolnan basico di Aruba. E año aki ta año di Papiamento pues un bon momento pa comercio di Aruba apoya e festival di mucha aki.

SETAR lo haci un contribucion substancial na e organizacion di e festival di Voz-I-Landia. Ganadonan absoluto di e categorianan A y B lo ricibi un bunita tablet di SETAR plus e abonnement di Internet completamente gratis pa 1 año di SETAR.

E finalistanan ta ricibi for di SETAR un 'photoshoot'

completamente gratis caminda nan lo aparece como modelonan (ehemplar) pa SETAR su siguiente campaña pa Back-to-School.

Sra. Labad a agrega cu e compania ruman di SETAR, Telearuba tambe ta celebrando 50 año e año aki y ta duna su aporte na e festival di Voz-I-Landia den cuadro di nan celebracion y semper cooperando cu actividadnan pa mucha y nos cultura. Telearuba lo graba Voz-I-Landia y lo pasa esaki despues.

El a gradici tur esnan presente na e rueda di Prensa den nomber di SETAR y a haci un apelacion na tur medionan di comunicacion pa ban apoya e festival aki. El a finalisa bisando: "Duna espacio na canticanan di mucha



Hefe di Mercadeo di SETAR, Shahaira Labad.

y na nos idioma Papiamento radial y asina nos Stima Semp den e diferente programanan pa nos ta di Nos". □